

脩築

巡按浙江監察御史臣劉士禎謹

題爲恭報海寧塘工告成懇乞

勅部覆覈并海鹽塘工一併議叙以彰激勸事崇禎
四年七月初一日臣奉都察院勘劄准工部咨
該臣題爲敬陳海寧塘隄坍塌處多修築工程
浩渺臣竭力拮据謹備述情形以慰

聖懷事一疏本年五月十八日奉

聖旨這塘工事情已有旨了劉士禎著上緊料理該
部知道欽此又該巡撫浙江右副都御史陸完學

題爲敬陳海寧塘工修築甚難等事本年五月
十二日奉

聖旨據奏海寧塘工正在修築知道了卽著併力速
成以免延費該部知道欽此欽遵俱經備咨劄行
前來隨經檄行司道設處錢糧行各經管官員
上緊修築併力速成工完造冊稽核再四督飭
去後隨爲閱視海塘事據帶管水利道副使王
建和呈稱蒙臣牌面行道轉行海寧縣知照十
七日親躬閱視塘工一切糜費盡行禁止毋失

恤災之意等因蒙此又爲前事蒙巡按劉御史
批海寧縣申報衝壞海塘亟應修築緣繇蒙批
海塘爲東南生命所關桑土不預將來之害有
不可言者本院甫臨浙土念切綢繆人溺已溺
該道籌之熟矣速速查報通詳又爲海患三載
頻仍孤城萬分危急等事蒙本院案驗本年五
月初十日奉都察院勘劄准工部咨劄行前來
行道卽將海寧塘工刻日鳩工并沿海等處遇
有衝塌通行料理報完除行布政司搜括錢糧

并捐俸助修等因又爲海颶異常等事蒙本院
票文行道卽將海寧塘工嚴督竣工火速呈報
查核以憑具

題等因蒙此節行杭州府總理官及海寧縣查勘
修築間又爲亟議修築海塘以資捍衛等事奉
巡撫陸都御史牌面仰道作速躬詣海塘衝決
處所逐一查勘明白要見衝決幾處某處應修
某處應築計若干丈應用錢糧若干作何設處
速速議詳修築等因又爲海塘衝坍等事奉本

都院批海寧縣申詳衝決緣繇奉批仰水利道
速議詳報又爲亟議修築等事奉本都院批本
道詳覆閱視海塘緣繇奉批海寧決塘已批布
政司行縣先修濟民卽委官分管大便計也大
修工鉅候另

題繳又爲前事奉本都院票文仰道卽將發來草
單築塘事宜逐一查議內有應詳行者具詳該
道可徑行者便宜而行作速勒限報完以便會
題等因奉此併行查勘督築去後催據杭州府總

理海塘同知劉元瀚呈稱案照先蒙巡按劉御史批本廳呈詳修築海塘緣繇蒙批轉盼秋潮治標固急着也但金錢不易物力維艱一旦委數千金于水濱仍無尺土實用又非今日匱乏之計也該廳苦心調劑不得不爲目前計緩急總之惟求永利而已東西形勢及緩急之法速議詳等因蒙此又奉巡撫陸都御史牌面海寧海塘被潮衝洗已將舊塘古礮洗去大半及今修理尚可抵塞若春潮至日便難施工而城池亦大可虞矣合行委官修築仰職卽便速赴海寧將海塘上緊修築期垂永久不得草率應用錢糧聽詳布政司給發等因奉此案查先蒙陞任按察司副使袁一鳳看得海寧事勢危急豈容停工坐視但于六丈深水用工錢糧難以數估人力亦未易施查照

國初修築事例疏

請遣官監督等因詳奉前牌委築遵該卑職星赴海寧縣見潮勢滔天直衝海邑逼近城池前築塘

脚俱被搜空椿櫃悉爲漂沒窮民巢處勢甚阨
危會同前任知縣謝紹芳并紳衿耆民酌地勢
之高下水源之緩急佈畫修築數款通詳蒙水
利道表副使杭州府萬知府手畫心計委官一
十二員分爲一十二作細酌木石錢糧夫匠工
食不浮不減詳奉在卷但時值軍需告急錢糧
無措二院焦心勞思不遑寧處頻臨閱視批助
批捐傳檄郡邑義助樂輸復于本縣設立歸單
民受其益而塘獲其助又蒙前任巡按李御史
巡監吳御史祝御史先後牌面批行

題助塘工暨以前各司道并運府廳縣捐助卑職
奉委不辭勞瘁夙夜鳩工從六丈湍激之中排
椿下石又以潮汛二期列炬測水下櫃數層密
釘木椿疊砌亂石自崇禎三年正月內開工至
六月終旬據第一作典史陳世烈二作指揮楊
懋忠三作把總蔡國延四作千戶潘起龍五作
大使沈隆祚六作指揮金裕國十作千戶只學
文陸續報完勸實詳獎餘作工程亦將告竣不

意七月初旬復罹風濤悉將已前僅存古塘老
勸捲洗殆盡延袤數十餘里所幸兩院精誠昭
格而卑職築過之處俱得屹然無恙本年二月
內蒙巡按劉御史按臨浙服甫下車仰體

宸衷軫注

天語煌煌首詢海塘之役未經旬日不憚單騎驅馳
輕舫來往親臨閱視區畫有方洞若觀火煥慮
無米念切攢眉帑不可議而捐捧民不忍加而
議緩上抒

聖主東顧之憂下什海民蕩析之患又檄行王布政
查發各項助塘銀兩分給各船匠夫役千指共
集百口咸呼隨復申詳巡撫陸都御史殫精拮
据指畫十款添工增委修築捍保乃獲有秋海
邑士民含哺歡歌復見

太平矣至十月緣錢糧匱乏工作未竣十月初旬
又蒙撫按二院并蒙帶管水利道王副使親臨
犒勞人心愈奮衆力沸謳響應潮音于各作內
遴其能幹委官把總蔡國延主簿倪繼寬典史

郭萬善巡簡徐汝器四員協力任事幸微

皇上威靈兩院區畫海若悔禍平沙遠漲非昔潮汛
直衝塘脚難于措手今得脚有護沙工力可施
東西一帶塘埂俱已築完但人工既盡猶聽

天時所可慮者鯨子大小二門沙塞亘遠潮汐不通考
誌名曰海失故道此未可以人力爭惟賴

聖明洪庇格

天
鯨門下流之塞漸開而附塘之沙日漲可稱永保金
湯之鞏固矣再查海鹽海寧塘俱瀕海塘之築

砌用石不同然海鹽土堅而實海寧沙乏而虛
海鹽受潮之斜侵海寧當潮之直激海鹽之塘
二十餘里海寧之塘則八十里有奇查海鹽所
費四萬有餘而海寧三萬之外石則採之鳳赭
二山船必待之潮汐二信工繁費省此皆兩院
智慮精詳神人効力故事半而工則倍也尚有
所欠船戶匠役錢糧覈詳布政司請給以結全
工外事于海塘告竣除錢糧工程文冊細覈另
文呈報等因備呈到道據此該副使王建和覈

看得浙屬濱海諸塘多衝沒于風潮獨海鹽海
寧二邑最劇乃海寧塘工之難成更甚于海鹽
者則以海鹽之潮斜激而寧則直衝海鹽之土
堅寔而寧則浮沙海鹽之隄止念餘里而寧則
八十里有奇海鹽修塘之銀有餘饒而海寧則
額派不足蓋

天時地利人事無一可恃故曰難也案查崇禎三年十
一月內海鹽塘工報竣徼有叙錄
俞旨寧工方在拮据未遑之秋兩院題

請致勤

綸綽責成一則曰併力速成一則曰上緊科理洋洋
聖謨卽不忘遠繇已溺之

精誠曷加焉此而不感發振悚夙夜終事者豈臣誼
哉本道新任代庖水利初見本都院抵談時務
首急此舉憂形于色先命以查塘銀府縣原額
協濟與夫捐助海鹽之完欠欲移其餘而資之
海寧豈意半屬之子虛烏有而司計窮矣諸凡
指授方畧如引至誠必先博厚而有高明土石

內外肉骨附麗之說壹壹南車斗柄雖愚者易醒拙者易從真百年永賴之深思哉乃若按院則生平實心任事甫入境數日卽減騶從命輕舟直趨海寧城外望洋向若把酒臨風祭奠之餘東西遍覽士民遮道擁輿而訴其傾圮蕭條之狀一盼茫然無際塘底水深丈尺築基何從下手乃本院相度要害肯綮已瞭然心目於是進各官面諭忘分披誠選能汰冗定界分區卽將花紅賞勸慨然發號捐資一時人人感奮莫不有悅先忘勞之意典是日也風恬浪靜舉手稱慶謂海不揚波皆憲忠

聖意格

天所致從此署置已定子來經始而騶馬翩然回省矣本道倍巡至嚴州隨卽有鄉紳生員許令典等陳謠誦云環塘念里外突空沙壅綿亘穹然而起頓令塘脚水乾人力可施基本可固此

天之所以福吾寧也於是士紳踴躍督視衆工乘時力作自西徂東一一如兩院之所指示者爲木櫃

綢繆以深入之併爲釘樁壘石以外護之爲石
條合縫以結砌之復爲填土密杵以內幫之本
道不敢以代庖自暇逸人工木石必稽錢糧出
入必察申詳紙贖盡捐就中工有勤惰卽有堅
瑕而成毀因之立驗迨至八月終洶浹狂飈連
發屢日人心惶惶莫必其固卒之本道相從親
勘其完全十九頽蕩十一於是令缺者補之低
者高之薄者厚之示褒譏明賞罰而工力益加
培人心益加惕從此得善後之方駸駸乎垂成

按院又繼撫院踵至矣本道再追隨歷覽但見
此塘屹乎保障若長城砥柱而後喜可知也故
凡係委官匠作無不次第犒賞衆相歡呼滿暢
蓋一番率作卽一番興起一番省成卽一番鼓
舞况兩院更番屢率屢省奚啻役十萬從事宜
乎其樂成之速而于併力上緊之

旨誠克副哉蓋撫院之識練故以坐鎮收萬全之功
按院之識敏故以風霆奏立辦之績卽前此一
出汛一出巡俱海甸方千里而遙乃猶時時飛

檄累千萬言紙盡頽秃惟恐人情泄泄寃報之
無期且相與爲此邑議充廣千金積貯派立塘
長責成縣令俾塘隨捐隨修斯亦不朽之長計
夫豈欲速見小補苴目前者之可彷彿一二耶
試以此與海鹽相提而論難易攸判緩急均需
先後雖殊成功則一第計修築共四千七百丈
計工費則三萬四千五百二十八兩零猶儉于
海鹽四萬之內工倍而費省晏如而人不知向
非撫院之搜查節省化導勸率之綽有心計夫
本院之苦心盡瘁搜于莫可搜節于莫可節勉
以餘贖吏農設湊至一千七十四兩爲各屬倡
此工費亦何自來哉是役也總理勞來則有同
知劉元瀚宰制督率則有知縣蔣之煥區分董
作則有把總蔡國延主簿倪繼寬典史郭萬善
巡簡徐汝器等雖各官分誼當任不敢言勞要
之奉有另本來行之

肯于以激勸人心鼓舞任事則有海鹽之成例在謹
據該廳之所申報者臚列轉詳伏惟採察錢糧

文冊另文呈報等因到臣據此又據平湖山陰會稽蕭山各縣俱報完工各造冊呈送前來臣慮工費浩繁不無肩破復行水利道查核的確另行造冊

奏繳青冊送部查核外該臣看得兩浙濱海諸邑皆倚塘爲捍禦如平湖山陰會稽蕭山諸邑道里俱近工力易成今已修築皆完矣惟海鹽海寧二塘最爲緊要延袤百數十里費用數千萬兩其工甚鉅而一處有缺則爲害滋大近自嘉湖遠至蘇松凡財賦之地建甌而下盡爲斥鹵所關于

國計民生尤重焉臣查接管卷海鹽塘工已成奉有另本來行之

明旨則應叙諸臣盡述撫臣陸完學前按臣李柄䟽中臣不敢復贅臣請陳海寧之始末焉蓋海鹽實土也用工較易而錢糧接濟故告竣在先若海寧則大不然寧之土盡沙也浮而不實難以釘椿故隨築隨衝而護沙三十里蕩汨已盡人

力已竭諸臣不得小望之

時矣臣一入境目擊阡危不遑寧處是時春水正泛潮勢甚洶怒濤直迫城下士民惶惶咸切淪胥之懼臣寢食俱廢卽于二月十七日率陞任水利道臣袁一鳳單車往視親歷坑坎相度地勢進士紳父老而商確之是日卽風恬浪靜而士紳父老咸詫爲瑞從此因鮮大潮沙土亦漸漲出海寧億垂生靈萬口歡呼謠歌載道共慶

聖天子德意遐孚而海若效靈也臣惟有望

闕叩首

嵩祝已耳臣覩此

天時旣備成事在人勇往直前不顧難炊惟以一片誠心默格

蒼昊激勵群臣檄行分委總理各官用工不堅者必罰支銷混淆者必罰督率不勤者必罰復相激勵而使過使功人人樂爲効用不敢苟且塞責以財力付諸洪濤也惟是浙當搜括之後設處無策積銖積鏹以成千萬奚啻聚恒河沙以造九

級乎臣力爲清查及嚴檄催督布政司工費外
復搜處贓贖并臣職掌吏農超缺銀一千餘兩
以爲諸臣倡率日與撫臣陸完學籌畫萬全埋
木櫃于塘下以實根底壘斜石于塘外以防衝
激幫厚土于塘內以壯衛護拮据幾兩月而臣
當巡歷外郡惟賴撫臣陸完學苦心調劑夙夜
講求而親歷島巔以覘大勢時時督率事事審
詳一切塘務悉其經營臣遠歷台温山海之間
日勤檄書狂聲疾呼以課成績是以諸臣莫不
奮發而急

公家矣迨臣巡畢回省再歷海寧捐資犒賞步閱
長塘石土堅固巍岸鞏然非復曩日傾頽坎圻
一望無際之塘也此皆

皇上

精神昭格

福德齊

天而東南萬世之永賴端在于此臣敢再陳膚見仰荅
聖慮夫塘旣成矣物換星移能保無缺乎缺而不修

則衝激之濤乘虛而入一敗卽難于收拾矣善
後之策莫如派有塘長給與工食責令縣官兼
督之稍有風雨之震撼塘石之欹斜卽時修整
不許延緩致其蔓延惟是修塘之銀杭州府屬
派銀一千兩內海寧歲止三百兩不足以供所
費得擴充至千金可以有備無患耳仍行申飭
以此項歲入查盤修塘則查其修過工程有餘
則以之糶穀上倉以備下年不足之用如此則
侵漁冒破之弊可絕而斯塘更保無虞矣臣與

撫臣陸完學再四商確以畝永久臣不敢以日
夕及瓜之身僅爲目前補苴之計兩浙海塘從
此告成其在事効勞諸臣除海鹽之功奉

旨下部併叙矣其餘諸塘費省工易者亦不敢槩叙
如海寧塘工其總理工程朝夕督率勞來不倦
者則杭州府同知劉元瀚海寧縣丁憂知縣謝
紹芳見任知縣蔣之煥也其奏處錢糧竭力節
裁稽核工費者則右布政使王庭梅署水利道
事副使王建和也其造端經始計處錢糧毅然

疏

請興築者則前撫臣張延登其相繼捐貲同心共濟以捍地方之大患者則有前按臣吳阿衡李柄前鹽臣何可及吳之仁祝徽若今日塘工告竣屹然成障海之功者則全賴撫臣陸完學拮据圖維多方節省駐劄省城朝文暮檄得指臂之使挈綱領之要若臣則馳驅外郡日無寧晷心切而行不逮志苦而力難勝惟此果敢樸誠首率諸臣諸臣亦爾相信幸獲告竣庶幾不負

任使得免于罪矣倖矣復敢言功乎臣謹會同巡撫浙江右副都御史陸完學具疏以

聞伏乞

勅下工部議覆施行奉

聖旨

又附揭

一為恭報海寧塘工告成等事切照海寧塘工一
疏職與巡撫陸都御史會稿業于本年閏十一

月初五日省城拜發職即赴歷金華復准陸都
御史卑關備查繕工業廣尚有搜處錢糧并捐
俸輸助同心協力如原任左布政使今陞應天
巡撫右僉都御史兼祖誨守道副使兼叅議晏
日啓原任杭州府知府萬國相原任推官今考
選廣西道御史郭必昌所當併叙等因到職准
此查得原係疏後續議事理相應備述揭達爲
此合
貴部煩爲查照一併議

覆施行

一
捐

工
部

修築

巡按浙江監察御史臣劉士禎謹
題爲敬陳海寧塘隄塌處多修築工程浩渺臣
竭力拮据謹備述情形以慰

聖懷事臣承

命入浙職任巡方以奠安民生爲急着而所最急者
莫如修築海塘一事臣思遙度躊躇莫若身履
其地目覩水勢工程之爲確也於二月十七日
輕舟單騎親至海寧縣城外同水利道臣袁一
鳳步行至塘見其水勢汪洋塘砌傾圮變沙駁

矚一望無垠老幼載途男女相向皆謂臣云倘非及蚤修築插蒔旣失秋望成空

國課從何抵辦臣心不勝慘裂何啻以身在洪濤中也再勘塘之西岸白馬港楊家庄等處計共五段總計三百四十餘丈又塘隄坍塌塘堦全無者計五百餘丈又鎮海廟等處修築未完者通共一百一十餘丈此卽撫臣陸完學前按臣李柄所陳延袤八十餘里中修築未竟之海塘也前按臣李柄慮其工費浩繁錢糧無措雖經

請以新加襍餉議留修築誠屬苦心然當此急需之時卽補助尚虞匱乏敢留抵此項重厯

聖慮除經設法事例捐助然所入無幾雖木石之輸運工作之勤渠未及十分之二三業檄行布政司查催海塘銀二千兩該司見經給發該縣目下採辦木石工料上緊修築外臣入境以來朝夕圖維終夜不寢當此春潮澎湃轉盼復值梅霖其岵危之勢寧不戒心臣身任地方之責小民一日之不安卽臣切身之痼癩更值此軍餉

告訕既不能

請留以鳩工又不敢派助以竣事惟有泣血剖心嚴行搜取以集此浩渺之工程耳臣覆經嚴行布政司又查將該縣應解海塘銀一千二十八兩九錢一分七厘一併給發臣除節省銀一千兩另疏具

題以充軍需之費外而於清追宿逋數內尚溢銀三百兩嚴行所司奏發該縣知縣蔣之煥臣復從士民公舉專委分理督工主簿倪繼寬杭州

右衛指揮蔡國延覈實買運俟臣倘後繼有毫節省亦當陸續給發經手之官以裨實用修築告竣覆覈具冊上

聞臣其敢愛膚髮負地方以負

聖明乎所可幸者旬日間據該縣及督工等官報稱潮汐竟爾漸平而海中沙石微有漲起此或

天假竣事之一機總繇我

皇上澤溥群黎而海若効靈如此也伏願靈霖不作風浪潛形俾臣得遂胼胝之力上全

國本下奠民生

皇上生成覆載之宏仁當與澄波共成浩蕩於不朽

矣臣無任激切瞻仰之至奉

聖旨這塘工事情已有旨了劉士禎着上緊料理該部知道

奏議

吉陽李日宣

按豫

陛辭疏

題爲望

闕之積悃未吐攬縈之私衷自盟謹因

陛辭聊申芻獻仰祈

聖鑒事伏念微臣江右腐儒行能淺薄謬厠臺

客十餘年矣而兩爲家庭引避一遭途網
虜奪七載山居萬念燼落遭逢

聖明辰秋今夏兩荷

召還時虜塵未淨竭蹶恐後冒暑驅車纔得一
覲

天顏旋蒙

聖恩畀以中州澄清刻期就道臣方幸犬馬之
報効有地豈頂踵之摩放敢私乎顧念臣

之來也沿途覓騎買食頗悉南北疾苦蓋
歲當荒旱地苦兵火覺風景之瀟索物力
之凋耗大異疇昔及見

朝廷之上百蠹具螯宿窳就振官無崇卑莫不
夙夜在公靖共爾位其一段不遑寧處若
視向者之侈空譚而隳實績狗情面而忤
居諸誠爲改觀乃

皇上則法自主嚴

凡自主寬若日內處決重囚一事兩付法曹竟
行暫停

雷霆之下倏布陽春一時歡呼卽兒童婦女莫
不合掌稽首祝

天子萬年凡在臣工感激舞蹈當復何似臣始
知

有道霧長規模自別從此
恩威並濟競練有序寧徒

國事之幸抑亦臣子之福卽寇在門庭孽在
原野不足慮耳以臣愚計今日之域中如
起病者不患邪氛之外侵而患元氣之中
耗亦如導水然不患隄防之不密而患疏
濬之無方臣蓋仰見

皇上所深懲者不越欺與貪與玩耳夫欺之罔
與貪之害民玩之悞

罔與者皆邪分也邪不可不去故法當用隄

防然邪之入也每乘元氣之不固有隄防而元氣蔑不固矣何邪之能乘政恐去之不慎則元氣隨耗邪反得以竊匿始之懲貪與玩與欺者究必疑無事不貪無事不玩爲無事不欺甚且疑無人非貪無人非玩爲無人非欺而天下事遂若無一可以任人天下人遂若無一可以信任此其醜欺也猶莫知所底夫事各有局未可膠鼓人各有品豈宜刻求今之議懲莫如舉一切付之于法法非他卽

祖宗朝一定之律也豈惟人不得倖出并法司亦不得擅入一出入毫釐千里

皇天后土實式靈之此臣所謂慎也慎則祓除之中自具調劑寬以固元者政以嚴于去邪猶夫隄防之後利用疏濬精于用濬者政以厚于用防耳臣猶計之名義者道之

所貴利欲者俗之所趨而性命則物所必
爭也以貴名義心而奪于利欲智者容有
時昏以趨利欲心而罹于法是以性命徇
利欲恐愚者不出也臣故謂今日之邪不
難去以有法在也以法則邪自去也今臣
且執此法爲

皇上去邪中州矣臣也不才幼習父師之訓長
慕忠孝之義義利二字頗知分明勿欺一
念自有幽獨斷不肯隨風逐波以負平生
一腔心血誓將持此以報
聖主乃旣以自繩卽以此繩人但有一不若于
訓者必不敢爲

皇上寬此罔

上雪民誤

國之條以自辱

亦欲作是一按苑競其慎以保固元氣之意則

隨處體認雖不止于明罰飭法而此其第一義也敢因

陛辭而首及之臣又前見戶部刊傳加派一疏奉

旨有云人有恒產誼自急公又云倘賦加而貪吏仍復誅求舊額依然混冒恐軍興無濟民困轉深大哉

皇上真仁至義盡慮無不用夫以上之毛悉公之事民亦何心而不樂從惟是地有肥瘠淤蕪之不等戶有虛弱倒絕之可矜卽正額尚難責完况加派豈忍再施此臣于天啓三年曾兩疏求行清畝謂畝清則糧實始加派不苦蒙

允部覆而惜行之未竟今不能不望

皇上勅部檄令各省屬州縣查確分別以入賦役全書者若夫貪吏誅求軍民兩病則無

奏議 卷之二
如部疏嚴訪墨吏痛革火耗與正本清源
爲外吏標表之一議臣且廣爲兩言曰加
賦必須懲貪止貪莫如獎廉嗟夫廉是學
人本分賢者耻言受獎而今不得不矯焉
力行之或亦保固元氣之一端也臣愚昧
意長語澀字恐踰格統祈

聖明裁鑿臣曷勝惶悚待

命之至

崇禎三年十月二十五日奉

聖旨貪欺積玩錮習日深朕凜持

祖法正欲諸臣滌慮改弦共圖治理不必妄生
臆揣清畝加派自難輕議懲墨獎廉已有屢
旨奉日宣受命巡方還實心察吏安民以稱
任使這所奏知道了該部院知道

陞辭條陳閩事疏

河南道監察御史臣羅元賓謹

題為微臣奉

命按閩謹陳地方事宜以祈

聖鑒申飭事該臣以菲劣之材蒙

皇上任使于役八閩今

陛辭以往矣查負為慙駑鈍當筭顧臣念之按
臣非尋常之任也而今日之閩又非無事

條陳

之國也凡職掌事宜有可得而言者焉夫
 巡方之職在察吏以安民乃今吏之為民
 害者亦多矣火耗行而徵收無藝則折封
 之弊不絕也牙爪橫而雞犬不寧則下鄉
 之令不嚴也贖鍰重而窮民剥脂則科罰
 之禁不峻也攫取煩而舖行剝肉則見價
 之法不行也獄情不察而覆盆之冤莫照
 倉禁不甦而繫累之苦堪憐衙官恣橫而
 食人之豺虎弗除蠹豪武斷而害禾之蝨
 賊弗剪以至錢糧之解納宜清也驛遞之
 支應宜核也軍衛之單殘宜振也鹽法之
 課額宜盈也有司之濫供地方之靡費宜
 居之以約而風之以儉也種種釐剔難以
 更僕而其勸懲之權總縮于官評乃邇來
 官評徃徃有撫按相左者皆因監司府廳
 愛憎互異以致賢否參差臣請與撫臣約

凡開報有異同者必究其異同之根如以私情拂公論卽以白簡隨之而吏治自肅此皆臣職掌也敢有一之弗舉以負此驄馬雖然亦論其常也乃今閩事之最亟者莫如海寇議者率病當事者勦不成勦撫不成撫臣嘗廣詢之而臆揣之政患于認勦撫二字太真耳惟不勦不撫而後可以結閩事之局何也謂之勦則必窮其窟穴而海寇以舟爲居無窟穴也出沒波濤去來飄忽鯨宮鼉穴之內有奇安施我整兵以出而彼揚帆以往矣况海道夷險彼所素諳而我弗習也徒切望洋誰能破浪故勦者聲著非實着也謂之撫必有以制其死命而夷考往事彼未嘗不得志于我原非搖尾安能頰首卽有乞款者非詐以誘我則挾以要我耳一墮其機發遂失其繇

索疏備養寇職此之繇故撫者權着非正
着也然則將柰何哉其要在固海防而弭
接濟勾引之奸何也聞海寇之橫行內地
奸宄垂涎其所有每輸糧貨而濟之利于
置之爲外府甚且爲向導而致之以爲其
所欲爲而我守禦不堅遂得闖入我誠兵
餉足器具周濱海城堡屹然金湯焉彼何
敢以一旅問諸水濱卽有跳梁者禦而殲
之絕其汲道以困之又斷其接濟勾引之
線索彼進無所掠退無所食且將索諸枯
魚之肆不斃則走耳此不勦之勦也其或
叩關乞憐我握其機權而操縱行之以折
其首而剪其翼此不撫之撫也雖然未易
言也兵之缺伍餉之虛具器具之不脩備
恐有解弦須費更張至接濟勾引二者聞
有強心力者爲群不逞之藪其負隅也甚

固其伏戎也甚巧明爲扞網而陰爲執法
甚且禦寇者皆寇也此必峻立其防維而
曲行其稽核不辭以身爲怨府方克有濟
當與在事諸臣熟籌而力行之更望

皇上天語申重容臣于照常舉刺外凡官之不
率者巨猾之不可問者得以不時糾舉盡
法懲處庶繡斧靈而人心知肅閩事其有
瘳乎此臣後聞之大畧所統統自矢者也
乃臣更有請焉閩寇非疥癬也勢連三省
擾及數年養癰不除其究必潰昔汪五峯
之事可爲殷鑒又恐其逸此而走彼一省
有瑕皆足致釁則浙與粵不第爲震隣之
恐實皆有切膚之患惟在各爲守禦以威
之海上之法行之若言會勦猶然畫餅并

祈

聖明申飭于以消鯨鯢而奠海隅不再舉矣惟

皇上鑒察施行臣不勝惶恐待
命之至奉

聖旨海寇有接濟勾引說得是固防除奸銷萌
拔本便是勦撫上策羅
着飭法力行其
餘陳議俱知道了

條陳三款疏

巡按福建監察御史臣羅元賓謹

題爲微臣受事伊始謹陳地方要務以祈

聖鑒事臣以菲劣之才荷

皇上委任于役八閩報代後卽巡歷延平茲已
竣事入省料理場務矣一切地方事宜足
跡雖尚未遍而耳目所及已得大凡除懲
貪剔蠹諸凡職掌所關當極力振刷以圖

報稱容另

奏外惟是地方之最吃緊而亟宜整頓者有三焉在吏治之窳也武備之瑕也民生之凋瘁也請為

皇上備陳之臣受任之初即查都察院考成簿未完事件至二百餘而臣新奉者不與焉夫以

聖月勤請詔旨蓋懼之法甚嚴而措詞未完積之而臆揣之其弊有兩端焉或時勢已遙而物換人移苦追核之無憑或土地非宜而拂民擾俗患推行之多礙既不能一時結局又不敢申詳請銷日復一日年又一年此其未完猶可言也若乃玩愒成風視功令為故事而束之高閣情面為政從瞻顧費商量而姑與從容甚或錢神之作祟胥吏

之假叢雖催檄如雨而若罔聞知此真隳
政之尤能免于

聖世之斧鉞哉臣已將歷來事件彙發各屬逐
件確查如果不甚緊要時地所難應行請
銷者不妨明白具詳容臣酌議取自

上裁何爲久塵簿籍屢煩稽核至于緊迫錢糧
欽案人犯及新

須條列立限時報者安得乃事因循臣今立
風火雷三票督催週以半月爲限一催用
風二催用火三催用雷倘三催而猶然痛
癢無關則其官吏之痿痺不靈可知矣卽
當明具行催月日經承官吏按季參
奏以憑

聖明處分雖素有治聲弗顧也蓋臣非能分身
至有司之庭親與拮据所藉者一紙文移
耳疾呼不應而臣技已窮惟不時糾參爲

有司身名之所係自當儆省或可以報其
後耳是飭旅之一道也閩山險奧易爲賊
藪民之艱于生業者往往聚而爲群不逞
小則禦人于途大則肆掠都鄙如入無人
之境焉斗大山城勢如累卵往年山寇可
鑒也海寇賴撫臣熊文燦之力渠兇授首
鍾斌就撫波氛之息也半年於茲然聞鍾
斌素狡猾爲恭順而中懷回測近且揚帆
往來時肆焚掠似非終就絛索者故羈縻
之術祇可借之以及時脩備非定局也然
備之非兵不可乃閩地軍多而兵少無論
延建上游省會內地卽濱海寨遊極要害
者率單脆不可用近因撫臣念切急公又
簡二千以往而餉隨之去急欲召補餉無
從出此撫鎮二臣每每相對而感額也無

已其卽軍爲兵乎衛所官軍皆以民養之
而用以衛民者也乃軍則空籍老朽茫無
可問卽見在丁壯託言守寨不關行陣幾
同遊食且以供焚弁紳衿之占役官則韜
鈴騎射槩乎未聞閱操之日中多有昂藏
七尺者乃三尺之鵠百步之遠皆錯愕而
弗敢進惟苦求寬政以冀免罰則其材技
可知此孰非食民脂膏者而乃以養蠹哉
臣謂宜令各該道抽其精壯者倣團營法
另立一營卽以其官之武勇者統之朝夕
訓練以資捷伐勿拘守寨之成例又核其
空籍而替其老朽良將勝兵當不易地而
求蓋其人皆同土著非若召募之烏合也
各有應得之餉非若客兵之煩措處也而
又練鄉兵以資守望聯漁兵以壯聲援多
方措置船銃以厚軍實八閩金湯于是焉

在是或脩備之一道也至若民生之凋瘵
則更可異焉臣嘗周行延建之境其村落
非有廣莫之野聚廬而托處也山顛水曲
參差數椽卽十里一垓亦無百室之盈其
人民非有輕肥之養婦子之嬉遊也終歲
胼胝鵠形鳩面負戴于途者如牛馬走其
田土非有膏壤曠衍綠疇紫陌之連雲也
舉迥巒者力墾成田縱橫層巒大山之稍柔
悅小者若衣帶仰而望之若登天而拾級
者然往往翠剡白穗出于怒石頽沙之罅
幸其俗勤而樸故歲事若登亦足自給若
福興泉漳則異是濱海之地非汪洋則斥
鹵求山田亦不可得故其民皆習漁鹽之
利而鮮稼穡每每仰食于東粵今粵販以
海警不至又不得不待哺于延建等府乃

者議轉輸則上游之民饑而譁矣議閉糴則下游之民饑而譁矣通融酌濟每苦調停之無術且也旱災之後水災屢至渾泉間米價至一兩八錢有司急于完課未免併日而徵近又有屯田增科之議贍田四千頃之令與封船採木之役皆

朝廷事之不可已者而民間遂以不經見之苦號呼赴愬無日無之所慮其人皆與盜疇萬一饑寒所迫肯化而爲盜則患不獨一鍾弑此臣所以日夜旁皇而不能寢處也夫以

皇上之功令而不能奉行惟謹臣之罪也然以皇上之赤子任其顛連而不以告何以耳目之官爲故雖不敢遽爲民

請命而具述情形以當監門之繪至於酌議安當求上不病

國下不病民敢不悉心區畫期得當以報也
伏乞

聖明鑒察并

天語申飭施行臣不勝惶恐待

命之至奉

聖旨御史受命巡方具有職掌如吏治隸惰軍
弱民疲宜如何整頓與巡撫官計議妥當責
成道府州縣着實舉行不得但以條陳塞責
言部院知道